

安平縣志序

康熙十一年有

詔諸省各修通志上於

京師備修

皇輿一統志十餘年來

卷五 地理
諸郡縣率以舊志

鮮有新修者一統志尚

未告成安平陳令於今

春毅然修之凡邑中所

有之山川土俗文獻莫

不義例畫一釐然可徵
裝書問序於不佞不佞
受而讀之曰盛哉

國家聲教所及也自我

皇上御極日闡國萬里薄海

內外盡入版圖既已偃
兵尚德申文約以治之
而更畱神於著作高文
典冊以次纂修誠

盛朝之大觀近今所未備

者也自禹貢周職方漢
地里志各述其疆土貢
賦風俗垂諸經史而夫
子言是邦尤必徵於國
中之文獻誠謂文以載

事而得其人則萬事畢
舉此文獻所以爲益重
也安平自西漢分邑夙
號名邦凡邑中田賦徭
役戶口營建職官俱載

在方策可以據籍而書
至若邑中之文漢有崔
子真政論外戚箴崔亭
伯達旨誠寶憲書晉有
張孟陽劍閣銘唐有李

重規封建論贊道賦自
宋以後無聞焉此則文
之可徵者也若邑中之

獻漢則有崔孝廉琦崔

太守寔三國則有孟中

書令康牽太守招晉則
有張內史協張著作載
北齊則有崔太常暹崔
太守伯謙北魏則有崔
刺史楷崔武烈延伯崔

尚書恭芬北周則有崔
刺史謙隋則有李從事
文博崔著作頤唐則有
崔獻王元暉崔文貞祐
甫李宗正百藥五代則

有崔賓客稅元則有王
副使綱明則有張給諫
益張尚書鳳王員外健
門主事洞開吳曹州從
誨此則獻之可徵者也

今陳令以孟諤少保之
孫定生處士之子而又
得其年緯雲以爲之兄
家學淵源固有所本今
於安平邑乘旣已述稽

博覽復質諸薦紳父老
謀諸邑中文學之士纂
爲此編爛然披掌以備
史館採擇敬答

詔書敷陳博陵文獻之盛豈

不誠大觀哉不佞旣樂
爲序其端且竊見

朝廷右文之治興崇古學燕

趙間丕然一變博陵雖
彈丸小邑然得錄科名

上奏而入爲

綸閣侍從之臣出膺父母
斯民之任者不乏其人
則今日之著作人才卽
爲百世之文獻古人所

謂蜚英聲騰茂實贊成
丕業以邁越古今不佞
幸得日觀其盛矣

時在

康熙丁卯臯月穀旦

特加太子少保巡撫直隸等
處地方管轄紫荊等關
宣府一鎮地方密雲等

關隘贊理軍務兼理糧

餉都察院右僉都御史

閩陽于成龍謨

安平縣志序

安平爲古冀州之域漢
興始置縣厥後鄂千秋
司馬獻王輩嘗封國於
此歷代以來碩儒鉅公

炳耀史策若崔駰崔瑗
之學行後先濟美張載
張協之文章昆季齊名

與夫百藥之史才鉉疇
之經術蓋亦有足多者

焉他如忠孝節烈仕宦
顯達近代尤爲稱盛乃
自明萬歷己丑而後闕

焉弗載遂使山川蘊鬱
之氣久而不舒人才風

俗之梗概日就蕪落是
固守土者之羞也今邑
令陳君慨然修輯捐費
聘賢勒爲成書上之史
館以備

昭代一統志之所采擇其
於吏治庶可無愆矣乎
夫天下者郡邑之積也

一腋弗備不可以爲裘
一椽弗治不可以成室

謂蕞爾僻處自安固陋
將因循墮廢其何以仰
體

聖謨共襄史事乎矧真定
爲河北巨鎮阨塞險要

歷代所重而茲邑則恒
山。沱水。遙爲流峙。穀亭
護林近與掩映其不可
不亟成邑乘以昭

文治之隆尤斷斷也夫陳

君故少保公之孫而檢

討其年之翁也其篤志

續文得之家學爲多又

與商邱侯子朝宗爲水

玉切磨有素固宜文筆

簡古茲乘之煥然改觀
也余承乏畿輔不能
徧爲巡覽今披閱是誌

而疆域之廣表制度之
沿革與夫官師之良楛

人物之隆替風教之淳
漓靡不瞭如指掌旣幸
採風之有藉而且幸諸
郡邑之得此先聲也故
不辭而爲之序

管理直隸州名兼理驛
傳事務巡道僉事武陵
胡獻徵撰

安平縣志序

余閱安平令陳君之自
爲其治縣志三復而嘆
曰陳君閱覽君子也遠
稽古正史近不遺殘碑

斷石所記博搜而詳志
之補舊志以所不及其
在舊志以後又無論矣
陳君自謂視舊志頗明
備云舊志吾未之見也

見序舊志者矣序未詳也見凡例矣凡例作者之大旨存焉爾見凡例

如見舊志信陳君之言不虛陳君少保公之孫

其年難弟余昔與其年

其芸局事讀其文詞藻

麗往往遜心焉陳君家

學有自來矣其博雅何

足恠而令安平也知治

本諸務未遑首新學宮
興教化義學十有六區
徧境內次第完葺之延

師其中置有田覽新志

可知焉

天子雅好文學

大吏又喜薦賢行見陳君
之去百里而布所學於
朝也謂非此志先爲容
歟余視

畿內學政

畿內郡縣志得寓目焉而
新其書者凡例逸其舊

陳君而不逸之其所謂
根據義理及正人心息

邪說之言頗足有功聖
道有不可逸者也陳君
其知之矣而徒以博見
長也云乎哉

皆

康熙歲次戊辰仲冬日
督學使者海曲李應

薦題

序

省郡縣之有志也所以獻之

朝廷備史官之採擇也不敢言史而言志然無
史之名而有史之意焉其地之山川城郭戶
口賦役廨署寺院職官選舉豪傑人物民風
土俗莫不畢載猶夫史也其或典故事跡失
稽攷是非賢否乖情實所繫甚大執筆者不
能無責矣官斯土而董厥事者又得不慎且

懼乎哉安平縣隸真定古博陵邑也山圍
嶽水遶滹沱隅壤雖小迺在畿輔石不數
亥冬取乏試宰於是者三年餘矣竊以素
祖父家教斤斤清白褰帷入境之日顧茲
瘠民貧唐季簪鎮之餘獷悍之風未盡
禮樂之化未遂泐洽覽其城垣則雉堞
樞謁學宮則榱桷傾斜墻繚盡滅卽先
賢儒之木主亦參差錯落或有或無至
認其邑志

則重修於萬曆己丑迄今百年其間人勢
銷沉事蹟之湮沒而莫可考者多矣石不
怒焉而懼憊然而思是誠司牧者之責也奈
水旱頻仍焦心蒿目未能並舉積三年之久
而雉堞已羅布矣學宮之傾圮者已新之矣
墻繚之滅沒者已築之矣先賢儒之木主亦
考正而補其缺失矣志書之纂輯又詎可緩
乎於是詳請憲設局敦請紳士分理綜覈

石又不揣因陋考訂筆削歲月幾周成書十
卷較舊志多四卷補前載之缺畧存一邑之
信從登之梨棗用傳將來內藝文一卷向多
蕪穢雖爲釐汰豈敢盡芟前人之意故姑存
之又石政理之暇適苦菴三兄至署清風槐
綠明月花紅墳塋蒺藜聚間有撫弄更暨同人
不無酬唱偶值民間以麥秀雙岐一產三雄
疎告於焉吟咏或當衢壤並入卷中以紀一

時之異夫史繼詩而作倘亦附於風人之義也夫嗟乎今日之縣吏今日之吏事亦綦難矣所賴

天子仁聖

主臺賢明

恩詔蠲租俾愚者安耕鑿秀者樂詩書而宰茲土者亦得與爲休息飲水謹凜早夜竭歷勵其驚鈍凡事之所當舉者得以次第告成以

無貽於隕越詎不有厚幸哉茲序修志之成
而嬋媛於修城修學者聊以塞余責豈遂畢
余志乎他日之罪我知其在斯乎爰書於
簡端以質之後賢

康熙歲次丁卯午月知安平縣事宜興陳宗
石子萬氏題於患立堂

歷修安平縣志姓氏

知縣沈同人草創

嘉靖二十九年修

邑人王三餘重編

萬曆十六年修

知縣王訢叅閱

教諭顧桐校正

訓導李榮

李士元同校

典史張宏恩供給

生員李汝弼高才

李攀龍 王嘉佐校

知縣何 翌增修

萬二
三年修

教諭李文鳳校正

訓導李懋賢

劉 禮同校

典史魯子裕督工

生員張奇助 傅一登

李 化 李攀龍校錄

重修安平縣志姓氏

直隸 定府晉州安平縣知縣陳宗石詳奉

直隸真定府知府 加 四級趙

直隸 定府知府 馬

整飭井陘道山西按察使司僉事李

整飭井陘道山西按察使司僉事劉

直隸巡道總理通省刑名驛傳事務駐劄保定府僉事胡

直隸守道管理錢穀駐劄保定府叅議朱

姓
于

各憲批行纂輯

教諭周之翰

訓導黃蘅

邑紳靳闇然

武韓

崔甲默

貢士李樹碩

庠生崔甲釗

仝校

典史張政教
督用

一舊志所載止於嘉靖二十九年以後爲新續舊載者係以舊志云新續則以按字別之再間以圈

一舊志所載內有謬誤者則刪去之有疑似者則兼備一說以俟知者蓋疑以傳疑仿史闕文之意

一舊志中有前後失宜者則爲更正之如恩封鄉賢當在例貢之前是也有遺落者則爲補足之稅糧鹽法之類是也
有字眼重複者則爲刪去之如職官多云知縣事鄉官多云安平人之類是也其無大差失者則仍之

一古人收圖籍舊志並無一圖今將城池縣學並加圖畫庶披圖即可考覽

一舊志以地畝等項卽列於沿革內今以錢糧關係國計民命另提田賦而以戶口貢稅等項隸之庶觀者知所重云

一舊志所載原有褒貶茲亦併加評品要皆根據義理不敢妄爲苛人謂不爲直筆何以取信於後者是也然善善長惡惡短其中自有隱惡揚善之義聞吾鄉王端溪公志開州不惟直敘宦跡雖鄉人亦加刺焉則各公鉅卿之直筆

不擬何敢望焉

一官職中有陞遷不赴及自求休致者必特書之嘉恬退也
其有考寃未確者則不敢書

名宦鄉賢必曾經申白當路奉文入祀者方書其餘不敢
私錄見任及生前者卽一語不敢輕出

一孝行忠節烈女節婦有關風化然必曾經旌表輿論僉同
者始書亦官職例也惟舊載志中所載二氏謂尚未及旌
者今亦未敢刪去

一舊志以寺觀列於正傳今特黜之附錄於後作禱紀蓋以
寓正人心息邪說之意云

邑人王三餘識

安平縣志重修凡例

一安平志書創自嘉靖年間兩訂於萬歷中禴玉給諫之乘筆會費苦心何邑侯之增修亦多潤色但稽古未核見聞頗寡故紀載多缺條理未詳茲則遠搜之二十一史近考之殘碑斷碣凡有可徵可信者悉爲補入雖不敢謂採輯罔遺較之舊志頗明備矣

一舊志缺畧殊多又自萬曆己丑迄今百載未經纂輯卽國初趙令有志修舉未覩厥成其缺失殆日甚焉茲特延請紳士廣爲蒐採庶幾徵文獻足信從也

一賦役奉

部行志例不敢摭入前朝止照

國朝新舊全書逐一纂敘故舊志所載者槩爲刪削以遵

功令

一舊志職官人物條下每多譏刺殊非隱惡揚善之義况志與史法例不同蓋史寓刑賞志無褒貶豈可紊越茲則賢而臧者仍舊志以揚之其否者姑置之不議不論而已

一舊志科目鄉賢混而莫辨茲特按史傳之例志選舉以表仕進之榮階志人物以彰古今之豪傑至名宦鄉賢皆職

官選舉中人或有傳或崇祀俱於本人下註以別之

一舊志藝文混襍甚矣且多載地封誥勅文尤爲無謂茲者不錄間採遺文補入各分類彙敘以便披閱然有蕪謬者不敢遂沒其名以俟後之採擇者

一舊志僅列陞卷今則酌分十卷仍以襍紀殿之寺觀改入古蹟卷以事各從其類耳

一凡舊志所載者悉註明舊志以別於新纂或有不便仍入本條者各散見志中以不沒前人之美也

邑令陳宗石謹識

邑志予修于康熙二十六年越四年而邑之丁地賦役有

奉 文增入者營建選舉有日新月盛者間有當代諸君

子訪予於講學亭中不乏短韻長吟者而予又披覽史帙

或人與事向有未曾採入者或有訛而未經改正者至於

予之境遇慘酷日甚間有歌咏率皆天籟或因境以見情

或因情以寓境無非峽猿鵬血簿書之暇分類補入以備

後賢之考訂嗟乎風塵下吏九年不調兩鬢凝霜黧毛欲

脫不禁穆然遐思范純仁爲相日一見趙擇仁輒歎曰不

意簿領中乃有是人一言知已千古佳話又不禁泫然自

傷因再書數語于志尾并志予之蹉跎云爾康熙三十年
小春之廿有二日陳宗石識

安平縣志總目

第一卷輿地志

圖

輿表

分野

形勝

沿革

城池

疆域

山川

里社

村堡

風俗

時節
事儀

土產

第二卷營建志

縣治

學校

義學

禮署

倉廩

街市

坊牌

舖舍

墩臺

第三卷古蹟志

勝景 壇壝 寺觀 祠廟 塚墓

第四卷賦役志

戶口 地畝 科則 起運 本色 存留

貢賦 襍稅 通馬 鹽法 兵制附賦 襍差

恩蠲

第五卷職官志

相 守令 廷魯 花亦 知州 知縣 縣丞

主簿 尉 教諭 訓導 醫學

第六卷選舉志

薦辟 舉人 進士 明經 太學 武秩

蔭襲 馳封 祿職

第七卷人物志

封爵 勲德 名宦 忠節 正直 循良

文學 武功 淳謹 孝友 隱逸 行義

流寓 方技 僊釋 列女 節烈 宦倖

第八卷藝文志

上

文 賦 論 詔 冊 勅

奏疏 奏表 書牒 策 序 記

賈 跋 跋 銘 碑誌銘

墓表 論祭文

第九卷藝文志

下

五言古 五言排律 七言古 五律 七律

七絕 五絕 詩餘

第十卷禮紀志

災祥 異聞 禩事 遺政

安平縣志卷之一

輿地志

禹分九州三代因之秦敗郡縣後世不易輿地考藏在政
府經國之大端也安平雖彈丸地歷代之沿革異制分野
之昴畢同纏是非按圖辨域稽古證今烏足以傳信於將
來乎若因地以制宜觀風而問俗不禁有古今升降之感
焉是故志輿地

圖

縣境圖


城圖

縣衙圖

學圖

村莊圖

北至博野



南壇

南至深州

護駕林



中左



北壇



義門

聖姑廟



成下



韓村鋪



舖台



郭官屯



東至饒陽縣四十里

楊官屯



張家莊



長屯



縣十五里

王六市

院西

龍令村

馬房村


什五村

磚壇

黃城

子文

龍集舖



王家莊

辛莊

角邱

樹林莊

王宋


劉光營


王宋店


縣十五里


西至濠洲縣六十里


輿地志











聖廟

東廡

東廡

名宦堂

教諭衙門

文昌祠

魁星祠

東至饒陽縣界十七里



野博至北

聖姑廟

村林

程和兩

村上店

村左中

村燕

村南

寨家張

管蓋胡

村店辛

村北

村南

村具

口興家

村營辛

沙河

北塋

重花

村具

口家

村莊家

林鶴護

廟頭

莊家薛

廟頭

口家

口家

石村

門



莊家遠

莊家梅

村霍

兩

壇雲鳳

莊家豆

莊家李

屯官史

莊家宅

舖村朝

濶家張

州深至南

莊家張

屯官李

屯官楊

屯官耿

屯官向

屯官程

屯官郭

莊辛牛

周禮九州圖掌於夏官此後世圖經所由昉也志以紀事而先之以圖者義亦如此圖凡四圖四境辨疆域也圖城池思防禦也圖縣治重政本也圖學校首育才也圖以象形志以攷實蒞茲土者其尚顧圖而思義云

載舊志

按舊志四圖殊未詳晰今照

太清一統志內縣圖繪刊入志庶河流之曲折道路之紆迤可一目瞭然矣又綴以村莊圖者重民生也顧圖而思所以安輯之俾保甲相聯守望相助戶有可封之俗野敦仁讓之風豈不在守土者之道以德而齊以禮歟

祥蓋以古豐耗徵治亂預爲國計民生之備也後世屢有推測不驗者無他拘守成法無以變通於其間也試觀成形於下者固有山河之開塞郡邑之分裂卽成象於上者天運有歲差星度有更移欲執舊術以合機宜豈不謬哉如安平邑地在唐虞三代屬幽州棘冰在戰國屬冀州隸趙故昴主燕畢主趙漢志以箕尾主燕昴畢主趙與古又大殊矣及細爲步算昴主邯鄲一帶郡邑畢主常山一帶郡邑其主趙分者復如此之懸異也欲察分野者曷得膠柱鼓瑟以論之乎

周禮疏云昴畢冀州趙之分也循北方河之表西盡塞垣

皆旄頭故地爲昴分自漳水之北盡代郡定襄表裏山

河爲畢分

按安平地屬趙分

天官書云自胃七度至畢十一度於辰爲西大梁也趙之

分野

按安平地屬趙之北鄙在畢十一度中

圖書編云昴畢趙之分星昴主邯鄲一帶郡邑畢主常山

一帶郡邑

按真定入畢十三度安平入畢四度

星經云北斗七星運天中以臨四方一曰太樞主雍州二

曰天璇主冀州三曰天璣主青兗州四曰天權主徐揚

州五曰玉衡主荊州六曰開陽主梁州七曰搖光主豫

州

按安平屬冀州
分野占天璇

晉志云畢中五車星主天子五兵及五谷豐耗西北大星

曰天庫主秦國次東北星曰天獄主燕趙國次東星曰

天倉主魯衛國次東南星曰司空主楚國次西南星曰

卿星主魏國

按安平地屬
趙分占獄星

星經曰玉衡九星第一星主徐州郡以五子日候之第

一星主益州七郡以五亥日候之第三星主冀州常山

以五戌日候之第四星主魏郡渤海郡成爲安平處成爲

卷之二
形勝
鉅鹿河間庚戌爲海河趙國手成爲恒山凡八郡

形勝

左接瀛海右望恒山南襟滹水北帶沙河

載舊志

沿革

安平縣本禹貢冀州之域唐屬冀州虞屬幽州夏商周因

之戰國爲趙地秦改封建爲郡縣置安平縣屬上谷郡

此縣名所由始也西漢仍爲安平縣屬涿郡東漢屬安

平國三國魏屬博陵郡晉以安平爲博陵國治後魏屬

博陵郡北齊爲博陵郡治隋文帝時於燕巽添縣屬

廣州以縣屬博陵郡唐初復於縣置深州尋移州治饒陽縣以安平屬之太宗改屬定州明皇又改屬深州五代及宋金俱因之元太祖升爲南平州太宗復爲安平

淵縣改屬真定路深州世祖屬真定路晉州明屬真定府

水門晉州

清開水門一城以處內水入潞
水門國所木焚難則開皆魯東

國朝因焉

一四
一縣

城池

古城土爲之建置不可考週圍五里一百三十步高二丈八尺明正德六年知縣王翊重修明嘉靖二十六年

知縣郭學書用磚砌城二千二十一座自是益壯觀焉
崇禎十年知縣孔聞俊築甕城四座墩臺二十四座改修大墩口一千一百六十六座高峻倍前

國朝康熙二十五年知縣陳宗石重修墩口三百二十一箇更

加完

城門

東曰賓陽西曰饒暉南曰政平北曰鎮鎗城樓各五楹

明正德六年知縣王翊修角樓四座廳舖八座各一間
明嘉靖二十年知縣郭學書修萬厯二十三年泮水壞南
門知縣何黎重修崇禎十年知縣孫開俊增修外門並樓
四座各一楹添修
腰舖二十四座

水門

知縣何黎因河水浸城四隅皆盈東
門通南開水門一座以洩內水今廢

城基崖

明嘉靖二十六年知縣沈嗣入題築土崖六里一
百有餘步高三尺濶一丈明萬厯二十三年河水浸

城知縣何黎又培內基
週高八尺濶一丈今無

外堤

豐關八里高二丈明正德六年知縣王翊建西南北三
處各存門一座昔稱外城明萬厯二十二年泮水浸城

知縣勅廷哲增築二十三年水大發知縣何黎增築高三
丈濶三丈週圍植柳

國朝康熙二十四年水大發知縣陳宗石重修大堤增修北門
西橫堤以障西來之水免衝堤決園柳廢久復增植之以
固堤基

內堤

二層堤明崇禎二年知縣孔聞俊增築高
一丈濶一丈上修圍墻高八尺墻今廢

池

深一丈濶二丈明嘉靖六年知縣蘭澤植柳數百株週圍
堤上明萬 二十四年知縣何馨復於堤上植柳今廢

教場

在城東一里外週圍墻南北二百步東西六十步演
武亭三間旗臺一座井一口門樓一座一間今俱圯

按城池之設所以壯封疆衛百姓守令之要務莫重於此
安邑以斗大孤城頻罹大難卒不及於禍患者正以未雨
綢繆諸邑宰修備之功居多耳

國朝定號削平禍亂太平日久修備漸弛視官如傳舍任其傾

圯而不整，飭又憚於興作，恐勞民力，以致傾者益傾而圯者日圯矣。誠能因事徐理，修舉廢墜，豈非固國防患愛民之至意歟。

疆域

東西五十里，南北三十里，東至饒陽縣界一十七里，南至深州界一十里，西至深澤縣界三十三里，北至博野縣界二十五里，東到饒陽縣四十里，南到深州六十里，西到深澤縣六十里，北到博野縣五十里，東北到肅寧縣九十里，西北到祁州六十里，東南到武強縣九十里，西

南到晉州九十里

載舊志

山川

紫荆山

在縣治南五里舊志缺載

院西口河

在縣治北二十五里西通澧河滋河沙河三水至境會而爲一東過河間府入淀歸海沿河有

堤防漲每歲修築用

近河十八村民役

滹沱河

在縣南城堤外從東鹿縣來東北過饒陽縣境入淀歸海此水去來無常或二三十年一至或四五

十年一至至則或行十餘年或行

二三十年水多縱橫流無定渠

甲社

一十五里

坊市社

廟頭社

牛具社

會澗社

崔令社

羽林社

長汝社

唐貝社

子文社

角邱社

黃城社

辛莊社

侯疇社

義門社

臺城社

載舊志

村堡

堡三店一村也一百五十四河間衛定州衛在縣疆域內錢糧俱在縣上納該村保長地方等役俱屬縣提調

子文店堡

在縣治西二十里週圍土城上有堞口東西門二座上有樓東西街一道南北街一道

馬店堡

在縣治西北二十五里週圍土城上有堞口南北門二座上有樓東西小門各一間南北街一道東西小

街一道

新莊店堡

在縣治西南三十里週圍土城上有堞口南北門二座上有樓南北街一道東西小街一道

馬江店

在縣治西南四十里東西街一道南北街一道

以上四條載舊志

懸治東三十八村 舊志十三村

南張家渦村 王家莊村 劉秀莊村 信家口村

豆家口村 北店上村 南兩河程村 義門村

楊官屯村 向官屯村 史官屯村 耿官屯村

竇家莊 逯家莊 北張家渦 張家莊

李家莊 郭官屯 李官屯 小辛莊

鄭家莊 韓村舖 廟頭村 程干村

兩渾村 石家莊 中左店

毛葫蘆營村 段家莊 張家寨 彭家莊

油子村

蘓哥莊

薛哥莊

護駕村

寨子村

毛家莊

梅家左村

縣治南三十四村

舊志十四村

槐林莊村

趙疇村

廟頭村

敬思村

台城村

野營村

王宋村

大轉村

馬江屯村

角邱村

辛莊村

王家莊村

王官屯

劉光營

徐家疇

大寨村

謝疇村

劉村

小土宋村

杏官村

張敖村

石干村

中角村

北角村

劉家店

何家店

莊窠頭

石家莊

義里村

中趙疇村

谷家左

候疇村

呼家村

路家莊

縣治西四十一村

舊志二十五村

嚴疇村

彪塚村

溝子村

羽林村

北郭村

香官村

莊子村

徐召村

長汝村

別駕村

北黃城村

王家莊村

鄭仁村

楊家村

唐貝村

子文村

宅侯村

張舍村

東黃城村

遼城村

西侯疇村

白駝羅村

崔安村

郭西村

南黃城村

堤渦村

店子頭

西遼城

子文店

郭家村

郝村

李家莊

彭家營

邢家營

報子營

馬家營

南北察羅

趙家莊

慢真村

里村

王家營

縣治北四十一村

舊志二十村

護駕林村

南寨村

東重花疇

牛具村

會渦村

新營村

大良村

河漕村

上六市村

白沙莊村

蘓村

西重花疇

西慢真村

油子村

劉吉口村

長堤村

趙院村

北慢真村

新店屯村

彭家莊

宗家莊

會渦村

傅哥莊

邢家莊

崔哥莊

欽石營村

北蘓村

半具村

東西里

趙家莊

孝林村

南院西村

長堤村

徘徊村

梅令村

棗村

什五村

萬店

崔令村

衆家莊

大良村

風俗

舊志云民性朴實勤於農桑鮮事末業寡詞訟儒業亦盛
衣冠不乏婚姻喪葬有相周之義俗尚淳厚幾於古俗
焉

風俗與世道相爲表裏者也風俗之厚薄爲世道之盛衰
非僅一都一邑之故其關係爲甚重安平風俗在明時
隆萬以前士夫淳篤百姓質朴猶爲近古隆萬而下尚
奢侈趨澆漓先進之風爲少衰矣至改革以來變亂相
仍驕靡漸息而徂詐日長視明末爲尤甚然百姓不親

勢利士子不近權貴其正氣尚有存焉者此返古之本
也是在宰治者敦教化獎忠厚以移易之

時節事儀

正月

祀神祀先畢賀尊長戚里更相拜**立春**鞭

民各三五設席稱觴歡飲

十六日男婦郊遊走百病

十五日

填倉下旬上者入學農者試耕**二月一日**引龍

春分釀酒拌醋

三月三日祀元帝**寒食**墓祭架鞦韆放

紙鸞隆師逆女**清明**插柳上聖姑廟賽會祈蠶

十三日上東嶽廟賽會**霖雨**禁場**四月八日**浴佛**五月**

五日食角黍飲菖蒲雄黃酒插符艾絲縷繫臂隆師逆

女**六月六日**曬衣儲水膏醬**七月**祀先懸麻穀

秋供瓜餅玩**九月**登高泛萸釀菊酒隆師逆女

十月一日暮祭繞寒衣**冬至**隆師逆女暖爐出獵

月八日食臘**二十四日**掃舍祭竈**除夕**易門神桃符

修歲事陳
祭儀守歲

舊志

安平縣志卷之二

營建志

建官又事敷政臨民必有其地此甘棠之下爲召伯所爰舍也由縣治學校而倉廩郵館何莫非政事之所繫乎但居官者以傳舍視之不無日就傾圯則規制之宏備廢墜之修舉於此可以覩官守矣是故志營建

縣治

舊志云在城內南歷代以來創修顛末無可考明洪武四年縣丞劉敏重修

頭門

舊建譙樓五楹明嘉靖二十一年知縣郭學書建外懸扁扁書安平縣三字內懸橫扁題曰春雨樓有記

國朝順治十二年知縣許守仁重修改爲三楹內立一扁曰天日在上

儀門 戒石亭

明正德十

二年知縣陸載建今廢

大堂

三間明萬歷三十八年巡撫王國題扁曰民之父母聯云愛民若子治邑如家

知縣楊如棟書真西山格言于屏

國朝康熙二十五年

知縣陳宗石題扁曰敦養聯云終歲只愁民疾苦平生竊

慕古

循良知縣題名碑

國朝康熙二十六年知縣陳宗

慕廳

二間在

庫樓 在縣堂左樓旁有小庫房二

東卷房

縣堂右

間明嘉靖三年知縣蘭澤建

西卷

房 七間

在縣堂左

國朝康熙

二神祠

在儀門左明正

德十二年知

迎賓館

在儀門左三間明萬歷

縣陸載建

迎賓館

十一年知縣李時芳

內署

在縣堂後

後堂

三間 國朝康熙二十四年知縣陳宗石重整扁題忠立堂三字記曰余

宅門一座

後堂

三間 國朝康熙二十四年知縣陳宗石重整扁題忠立堂三字記曰余

于癸亥小春蒞任安邑竊謂家傳清白世篤忠貞今日謬叨民社敢不竭駑鈍以答君親因思孔子有言曰不患無位患所以立旨哉斯言即題其堂曰患立堂庶幾顧名思義以求其所以立也或曰患之一字仕宦所惡聞子何取乎余應之曰子獨不聞孟子思補樓三間在患立堂後云生於憂患之說乎遂顏之

知縣趙昭建康熙二十四年知縣陳宗石增建東西耳樓各一間簷樓三間迴環連繞稱壯觀云東書房

三間在患立堂東明崇禎十一年知縣孔聞俊建有古槐樹二株知縣陳宗石於槐樹傍禱植花卉垂柳籬菊志淵明也扁曰西書房前後三間在患立堂西有古槐一株平房共十六間在思槐麥軒

患立堂左縣丞衙在知縣衙典史衙正廳三間扁書敬畏右前後右今廢無私四字國朝順

治十四年典史汪周祚立廳前門樓一座廳東馬棚二間廳西書皂屋二間廳後門樓一座內房前後六間兩傍係

界墻墻西北土屋三間瓦厦國朝康熙二十四年典史張政教撥俸增建吏廨二所一在儀門左一在儀

門監 獄房五間
右監 在儀門右
馬房 在縣堂北隅

察院

在縣治東

大門

一

儀門

二

正堂

三

穿堂

三

浴室

庖厨

抄案房

共十

五間

太僕寺

在縣治西年久圯廢明嘉靖二十七年知縣沈同人改爲察院今又圯廢基址尚存

府館

在縣治南明嘉靖二十六年知縣沈同人重建今圯廢

學校

大學小學制隆上古所以敦人倫育英才甚盛典也故學校之盛衰治化之污隆係之矣顧不重歟安平建學不知始自何年舊志缺載今按元監丞趙居仁廟學記乃係至

元庚午邑宰石抹公教諭李耀始建大德八年鐵木答兒
等重修詳載記文

儒學

在縣治東北

大成殿

五間明萬曆十一年知縣李時芳重修邑人王三餘撰碑國朝康熙二十四年知縣陳宗石日擊

學宮類祀廟後則爲召取通衢堂前則爲刈穫場圃樹下則爲牛馬廄陰之地其非所以妥神靈而聚文氣也毅然修建設法倡捐修廟宇祠次第興工復創講學以啓聖

御書扁

國朝康熙二十四年知縣陳宗石奉文建立御書萬世師表四字

東廡

西廡

各九

間明知縣李時芳重修康熙戟門三櫺星門三間明嘉靖
二十六年知縣陳宗石重修

楊允修萬曆十一年李時芳重修康熙

二十六年知縣陳宗石築圍牆重整

神庫 六間
今廢

名宦鄉

賢二祠

各三間敵壞不堪 國朝康熙二十五年
知縣陳宗石重建並備置神主煥然一新

明倫堂

三間在大成殿後明嘉靖二十一年知縣郭
學書重建康熙二十六年知縣陳宗石重修

後堂 三間
今廢 博

文齋

五間在明
倫堂左

約禮齋

五間在明
倫堂右

儀門

一間在大
成殿後

儒學門

一間在儒學門左明正德

十六年知縣陸載重建

饌堂

三間
今廢 射圃

在儒學東午
北廢 國朝康

熙二年知縣邵顯堯

取其遺址增修社學 魁星祠

三間在大
成殿東

帝君祠

三間在魁

教諭衙

舊衙久圯知縣
鑄鑄重葺於

訓導衙

二所東西各一俱圯知縣
訓導衙重建於殿之西

號房

在明倫堂
左今圯

西號房

在明倫堂
右今圯

泮池橋

在戟門
德十六年知縣

陸載建橋一座

國朝康熙二十六年知縣陳宗石重加

開濬廣潤添建泮橋二座並修舊橋一座復規圍橋之盛

事敬一亭 三間在尊經閣西明嘉靖十一年知縣趙文中建从祀 國朝康熙二十五年知縣陳宗石設

法重 啓聖祠 三間在尊經閣東明嘉靖十一年知縣趙文建 國朝康熙二十五年邑孝廉武韓倡

修 學舍 年久圯廢 尊經閣 明萬曆二十九年知縣徐九成建 國朝康熙二十四年邑特讀學士吳

木植捐修雕梁畫棟丹碧輝煌爲一邑巨觀焉 敬一箴碑 在敬一亭內 大觀聖作

之碑 宋時建立在大成殿西州 金源進士題名碑 即刊在大觀碑後 杏壇 二大

刑在大觀碑陰係闕里金國黨懷英書元大德丙午春家君尹青社等一同里摹刻今勒於博陵府學明年九月晦

日神川 講學亭 知縣陳宗石捐貲 讀書處 知縣陳宗石捐貲 建於尊經閣後 捐建十二間

祀典附載 安邑廟祀神主多有未備 康熙二十六年知縣陳宗石謹按位次逐一更正新置神主安設

宗聖曾子 亞聖孟子 東哲先賢閔子損 冉子雍
端木子賜 仲子由 卜子商 西哲先賢冉子耕 宰

子予 冉子求 言子懔 顏孫子師

東廡先賢漆室子減明 原子憲 南宮子适 商子瞿

漆雕子開 樊子須 公西子赤 梁子鮪 冉子孺

伯子虔 冉子季 漆雕子哆 漆雕子徒 商子澤

任子木齊 公子良孺 奚子容蒧 顏子祖 甸子井

姬 秦子商 公祖子句茲 縣子成 燕子伋 顏子

之僕 樂子歆 邾子翼 公西子與如 公西子歲

陳子亢 琴子張 步子叔棄 以上共三十一位

西廡先賢宓子不齊 公冶子長 公皙子哀 高子柴

司馬子耕 有子若 巫馬子施 顏子辛 曹子卣

公孫子龍 秦子祖 顏子高 壤子駟赤 石子作蜀

公子夏首 后子處 公子肩定 鄆子單 罕父子

黑 榮子旂 左人子郢 鄭子國 原子亢 廉子潔

叔仲子噲 狄子熈 孔子忠 施子之常 秦子非

中子棧 顏子喆 以上共三十一位

東廡先儒左子邱明 穀梁子赤 高堂子生 毛子萇

杜子子春 王子通 歐陽子修 周子敦願 程子願

張子載 楊子時 羅子從彥 朱子熹 薛子九淵

蔡子沉 許子篤 陳子獻章 王子守仁 以上十

八位

西廡先儒公羊子高 伏子勝 孔子安國 董子仲舒

后子蒼 韓子愈 胡子瑗 程子顥 邵子雍 司馬

子光 胡子安國 李子嗣 呂子祖謙 張子栻 真

子德秀 薛子瑄 胡子居仁 以上十七位 宋子濂

方子孝儒 以上二位係

國朝康熙九年奉

旨添入從祀

啓聖祠

啓聖公孔氏之位 東配先賢顏氏無繇 孔氏醒 西配先

賢曾氏黜 孟孫氏激公宜 東從祀先儒程氏珦 蔡

氏元定 西從祀先賢朱氏松 周氏輔成

附載改祀於鄉者七人 林放 蘧瑗 鄭元 鄭衆 盧

植 服虔 范甯

罷祀者十四人 公伯寮 秦冉 顏何 荀况 楊雄

卷之二 營建志 五 息立堂

戴聖 劉向 賈逵 馬融 何休 王肅 王弼
杜預 吳澄

名宦祠神主

漢議郎拜安平相河南尹李公諱燮南鄭人

三國魏安平太守諱言司空賜爵關內侯諡曰穆徐公諱邈荀人

魏安平太守贈司空諡曰景王公諱基東萊人

北魏博陵太守贈後將軍并州刺史崔公諱習

西秦博陵守殉節王公諱充新平氏人

唐博陵太守殉節贈太尉諡曰忠賈公循

元安平縣知縣張公諱周真定人由進士

元安平縣知縣王公諱從政遵化人

元安平縣知縣張公諱旨

元安平縣主簿楊公諱秉仁

明安平縣縣丞耿公諱福緣金臺人

明安平縣知縣陞德州知州王公諱翊河南許州人

明安平縣知縣陞太僕寺丞許公諱灝河南安陽人由進士

明安平縣知縣陞戶部主事陸公諱載河南孟津人

明安平縣知縣歷陞行太僕寺少卿郭公諱學書河南禹州山
泉人

明安平縣知縣李公諱時芳遼東義州衛人

明勅贈尚寶司御安平縣知縣殉難孔公諱聞俊山東曲阜至

聖裔

皇清總督直隸兩東河南等處地方軍務兼理糧餉兵部尚書
兼都察院右副都御史正一品加一級朱勳愍公諱昌祚
滿州籍山東高唐州人

皇清總督直隸山東河南等處地方軍務兼理糧餉兵部尚書
兼都察院右副都御史李公諱蔭祖奉天鐵嶺衛人

皇清巡撫直隸等處地方管轄紫荆等關宣府一鎮地方密雲
等關隘贖理軍務兼理糧餉都察院右副都御史陞總督
江南江西等處地方軍務兼理糧餉操江太子太保兵部
尚書兼都察院右副都御史于清端公諱成龍山西人

皇清巡撫直隸等處地方管轄紫荆等關宣府一鎮地方密雲
等關隘贖理軍務兼理糧餉都察院右副都御史格文清
公諱爾古德滿州人

皇清整飭井陘道僉事世江南督糧道叅議焦公諱勸陝西人

皇清巡撫直隸等處地方管轄紫荊等關宣府一鎮地方密雲
等關隘贛理軍務兼理糧餉都察院右僉都御史前加太
子少保今陞都察院左都御史掌院事兼滿州都統于公
諱成龍奉天人 康熙三十年九月奉 文置長旌牌位入祠

鄉賢祠神主

漢舉孝行拜議郎遷司馬五原太守官至尚書崔公諱寔

漢舉孝廉除臨濟長崔公諱琦

漢舉茂才遷汲令濟北相崔公諱瑗

漢太學辟掾遷長岑長崔公諱駟

漢虎賁中郎將遷西河太守崔公諱均

三國魏朝議郎李公諱單

晉御史累遷尚書左丞大司農崔公諱洪

北魏中書博士轉侍郎贈青州刺史安平侯諡曰康崔公諱鑒

北魏中書博士轉侍郎贈幽州刺史諡曰景崔公諱遜

北魏處士李公諱几

北魏荊州刺史儀同三司吏部尚書崔公諱孝芬

北魏太學博士贈定州刺史安平縣公諡曰孝李公諱敬族

隋中書舍人湖州刺史贈大將軍諡曰文李公諱德林

隋羽騎尉直秘書省李公諱文博

唐通事舍人兼學士禮部侍郎宗正卿諱曰康李公諱百藥

唐中書舍人東臺侍郎諱曰烈李公諱安期

唐同州司戶參軍李公諱瀚

唐舉明經歷授鸞臺侍郎同鳳閣平章事兼太子左庶子遷中書令進爵博陵郡王諱曰獻崔公諱玄牖

五代梁進士監察御史翰林學士戶部侍郎太常卿崔公諱棧

元授左兼軍李公諱恭讓

元徵士祝公諱明

明太學授禮科右給事中贈戶部尚書資政大夫張公諱益

明賜進士歷南京兵部戶部尚書進階資政大夫張公諱鳳

明貢士授河南濟源縣知縣陳公諱芳

明孝廉授河南閩鄉縣知縣陞江西南昌府通判郭公諱聞禮

明孝廉授陝西綏德州知州王公諱學孟

明貢士授陝西雒南縣知縣王公諱民峰

明進士授山東歷城縣知縣陞行太僕寺卿中憲大夫靳公諱

紹謙

明孝廉授河南懷慶府通判陞山東曹州知州吳公諱從誨

卷之二

營建志

二

卷之二

皇清賜進士授中書舍人歷官戶部山東司郎中郭公諱金鈔

臥碑

國朝順治十二年二月禮部題奉

欽依刊立臥碑曉示生員

朝廷建立學校選取生員免其丁糧厚以廩膳設學院學道學
官以教之各衙門以禮相待全要養成賢才以供

朝廷之用諸生皆常上報

國恩下立人品所有教條開列於後

一 生員之家父母賢智者子當受教父母愚魯或有非爲者子既讀書明理使父母不陷於危亾

一 生員立志當學爲忠臣清官書史所載忠清事績務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事往往自殺其身當宜思省

一 生員不可于求官長交結勢要希圖進身若果心善德全上天知之必加其福

一 生員當愛身忍性凡有司官衙門不可輕入卽有切己之事止許家人代告不許干預詞訟他人亦不許牽連生員作証

一 爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰
一 軍民一切利病不許生員上書陳言如有一言建白以違制論出華治罪

一 生員不許糾黨多人立盟結社把持官府武斷鄉曲所作之文不許妄行刊刻違者聽提調官治罪

義學

在城義學

在儒學左明時設社學門一間房三間 國朝康熙年間知縣邵顯堯取射圃遺址增其式廓

嗣後知縣吳應聯胡宣相繼重修講堂號舍具備康熙二十三年知縣陳宗石延師設教生徒濟濟成一邑鉅典焉

羽林義學

舊係社學基久廢 國朝康熙二十四年知縣陳宗石復設延師設教鄉民子弟 石家

莊義學

國朝康熙二十四年知縣陳宗石新設 角邱義學 原係社倉 國朝

縣陳宗石改設義學延庠生之學有兼優者教授於中一方之人文蔚起爲安邑首稱云

西會澗義學

義門村義學

東石家莊義學

毛葫蘆營義學

中左村義學

寶家口義學

耿官屯義學

鄭家莊義學

楊家莊義學

北蘓村義學

河漕村義學

北蘓村義學

原莊十二學

國朝康熙二十六年知縣陳宗石設立各

廨生員備童之有學行者在內教訓貧民子弟連前四學

共三十六學備文通詳其各

黃城社義學

舊係社學傅家莊

學膳田另有鈐印細冊存案

黃城社義學

舊係社學傅家莊

義學

舊係社倉國朝康熙二十六年知縣陳宗石改建義學房四間南至張忠北至街東至可憐西至衡衡

附載義學詳文

直隸真定府晉州安平縣知縣陳宗石爲設學已有成效懇

憲批示勒石以期永久以廣教澤事竊惟自古化民成俗之

道莫大於學而學之設於京師與設於各府州縣者由來

久矣第國學與郡邑學之所訓練者止及於成材而未遍

及于童蒙故鄉間草野之中成童舞勺之年或有志而未得

問教或家貧而弗克延師遂致美質淪於廢棄願行習於俗

染甚至對父兄而不知孝弟之義接鄉隣而恆多澆薄之風

如此類者何可勝道哉豈真三代以下之人心不同於三代以上之人性乎良由教化未敦而習染日汚耳稽之往古有大學小學之名其詳固不可考而今之所謂學校者止是大學之遺規若小學之制則闕焉未講在明季亦有社學之設行之未久遂置虛名迨我

朝定鼎以來學校得人頗稱極盛今

皇上崇尚文治迥出萬古兩心教學殆無遺議矣卑職忝結銅符濫司一邑雖安平叢爾僅稱十室然使教化不行風俗日壞寧非守土者之所羞乎卑職到任之初卽有志復古欲於各鄉村鎮設立義學倣古小學之意以行之因力不從心僅設四學擇生儒之文行兼優而膏火不繼者俾爲塾師設教學內凡就近貧民子弟俱令教習於中其塾師之修膳卑職措給迄今閱三載矣去冬

學憲按試拔取儒童一十二名而義學竟獲其二似有成效可徵義學亟宜廣設恒虞修膳無資以致逡巡未果卑職去年編審人丁查有逃匿故絕人丁名下多有遺產漸致荒蕪因丁未審除里長包賠卽間有佈種止可代納丁糧卑職切查逃匿故絕者例得開除誠恐中有朦朧影射隨經再四確

查復示勸招徠除前逕而今復歸夫故而妻尚存歷係墾地
不便攤毀外其得地若干召佃承種盡行開墾除納糧之外
可獲些微以供義學塾師修膳之費業經公同地方士民耆
老鄉約人等公議妥確添設義學十二處連前四學共建義
學十六處每學撥地因地畝肥瘠審定地數多寡慎擇良師處
之學中訓誨貧民子弟日有課月有程畢職時行考驗以示
勸懲俾觀摩禮義漸染詩書不必妄許以上進成名希致顯
榮止期迨其放僻邪侈不至比匪其於化民成俗之意未必
無小補云但卑職在任一日自可力行勿替恐於去後弗克
有終非奉

憲世豈能永久相應備造義學清冊一本申送
憲臺電聞俯念設義學以教貧民將貧者既學而富者益知
自奮撥絕產以膳師備使地不拋荒丁不累賠上既不虧額
課下仍可以贖貧一舉而數善咸備外行而可期無弊賜批
勒石永遠遵行庶教澤得以廣施而洪恩垂於不朽矣尤可
幸者今當義學舉行之始恰值
皇恩大沛之時俾義學貧儒首沐免糧厚澤於以權忻鼓舞更
爲千古一時也伏懇

憲臺俯賜批奪以便遵行

康熙二十六年三月

署府事本府軍捕廳焦

批該縣設立義學教訓民間子弟

日詳蒙

又計其久遠清查絕丁地畝以爲此後修膳之費足見留心教化既已通詳仰候

各憲批示行繳

謬理井陘道保糧屬周

批設義學以興教撥絕地以贍師

且一舉而兼數善行見化行俗美絃歌之風庶幾其再見於今日乎如詳勒石用垂永久仍候

撫院詳

對兩道批示抄中繳册存查

管理直隸刑名巡道胡

批該縣廣設義學慎擇良師置膳

田勤考課具見實心實政深可嘉尚如詳勒石永遵以垂永久可也仍候

撫院示行此繳册存查

管理直隸錢穀守道朱

批清出故絕遺產補義學勝查具

見留心教化實政如詳勒石永
遠遵行仍候

撫院並

巡道批示行繳

巡撫直隸都察院于

批據詳倡設義學十六所俾編氓之

子弟皆得漸染詩書此無異於古
之鄉塾端爲教化之源也而又召
墾荒地以贍師儒可以永遠遵行
如詳勒石繳

禮署

陰陽學

在縣治東亭三間門樓一間明萬歷十六
年知縣王訢重修後圯今改爲孔公祠
醫學在

治西亭三間門樓一

僧會司

在縣治西北

申明亭

在縣門

庫知縣王訢建今廢

鐵佛寺內

左今廢

善濟院

在北門內久圯
國朝知縣
子文祉學
在縣治西
十里門

陳宗石捐俸建造以棲斃子

子文祉學

在縣治西

一間房五
辛莊社學 在縣治南三十里門
馬店社學 在縣

西社學 在城內太僕寺
右房六間今圮

祭壇

縣倉 在縣治西儀門右北廡二間東廡
三間西廡三間門一座今俱圮廢

預備倉 在縣治東南東廡三
間西廡三間門一座

學 在儒學明倫堂東
北隅年久圮廢

學 在縣治東
今廢

縣署

在縣治西二十里廡房三間官亭一間
明萬曆十六年知縣王新建立

魚邱塘

在縣治西南三十里廩房三間廂房二間門樓

傅家莊集

在縣治東北二十里廩倉三間廂房二間門樓
一座明萬曆十六年知縣王新建今改義學

街市

前街

在縣治前東
西各通後街

後街

在縣治後東
西各通城門

南街

在南門內北
通縣治前街

街

在北門內南
通縣治前街

東關街

東南達饒陽路
東北達肅寧路

北關街

北達博
野路

關街

南達深州路東
南達武強路

西關街

東西街一道南北街一道
西達深澤路南達晉州路

市

舊在縣
治前街

柴市

舊在縣治
西北街

前街集

初十一
後街集

北街集

初六才女
二十六

西街集

初八廿八二十八至明崇
禎十一年後兵荒迭見四

方商賈不便入城

設城外四
關輪流週而後始至今仍

子文店集

逢四
馬店集

七馬江店集

逢六日

角丘集

逢十日

新莊店集

與馬店集同日

彪塚集

與角丘集同日

白沙莊集

逢八日

會渦集

與角丘集同日

宗左村集

與馬江集同日

黃城集

與馬店集同日

傅家莊集

與馬店集同日

坊牌

少司寇坊

在後街明景泰七年爲丁未進士張鳳立

大司馬坊

在後街明景泰七年爲丁未進士張鳳立

大司徒坊

在後街明景泰七年爲丁未進士張鳳立

鄉貢坊

在西關明成化十年爲舉人趙鸞立今廢

春官坊

在後街明成化十五年爲舉人王均美立今廢

桂林一枚坊

在後街明成化五年爲
戊子舉人呂鳳立今廢

世科坊

在後街明成化十九年爲
癸卯舉人呂質立今廢

獨步坊

在後街明嘉靖二年
爲壬子舉人張木立

進士坊

在後街明嘉靖十四年
爲乙未進士彭相立

成名坊

在後街明嘉靖十二年
爲戊子舉人張桂立

亞魁坊

在西關明嘉靖十二年
爲辛卯舉人王如綸立

鸚鵡鵬程坊

在前街明嘉靖十二年爲
戊子舉人金黃立今廢

進士坊

在南街明嘉靖十四年
爲壬辰進士張世亨立

文光坊

在西關明嘉靖十四年爲辛卯
舉人崔承祀立今改爲世科坊

世科坊

在北街明嘉靖三十一年爲子西舉人劉和辛丑進士劉繼亦

進士坊

在北街明嘉靖二十一年爲辛丑進士劉繼亦

綸音褒德坊

在後街爲贈員外王傑立

褒封坊

在後街爲封刑部主事張天秩立

進士坊

在西關明嘉靖二十九年爲庚戌進士王如綸立

大諫議坊

在後街明萬歷八年爲禮科都給事中王三餘立

大封君坊

在後街明萬歷十五年爲贈戶科左給事中王遜立

旌表義民郭宏之門坊

明正統七年爲義民郭宏立

承流坊宜化坊

俱在縣前左右明萬歷十六年知縣王詩建

皇羽科第坊

在儒學左
今此廢

舖舍

原設五舖每舖司兵五名

總舖

在縣治前

韓村舖

在縣東一十五里

黃城舖

在縣西一十里

崔安舖

在縣西三

武陽舖

在縣西南三十五里

後添舖二處

每舖司兵三名

城子舖

在縣東二十里

竇家口舖

在縣東北三十里

墩臺

東路

南張家渦墩臺

離城七里

南路

劉光營墩臺

離城十里

西路

黃城村墩臺

離城十里

子文村墩臺

離城二十里

崔安鋪墩臺

離城三十里以上明朝設立

北路

王六市墩臺

離城十八里 國朝初年設立

安平縣志卷之二終

補遺

直隸真定府晉州安平縣知縣陳宗石爲額憲施恩以崇學校以垂永久事竊照安平彈丸小邑地瘠民貧叠遭水旱百務俱廢卑職於康熙二十二年十月到任目擊廢墜無一可緩修舉之責縣令奚容諉乎計其所最急而倉庫攸關者莫如城垣隨設法倡捐修砌塚口三百二十一塚修南門西門北門城樓共三座縱不改曰金湯足恃然聊以固圉非復前日之傾圮矣計其所費雖廣而現奉部文催輯者莫如縣志隨具詳設局延請紳士廣徵博訪遠稽之二十一史近採之輿論鄉評百年未輯之書一朝告竣一切紙張供膳梨板梓工等費約費三百餘金皆係捐貲並未敢動絲毫正帑已荷撫憲巡道撰序刊卷首前經呈送諒邀鑒閱但未蒙憲頒原言以光邑乘合行請發補刊入志計其事有視之若可緩而實屬甚急有若無補於民之饑寒而實有裨於民之教化者莫如學校奈安邑學宮頽壞已久敎官僦寓民房祇逢朔望一詣其地過此則盡爲販夫牧豎牛馬車徒往來聚散之場顧瞻庠序能無茂草之悲約計其工應仍舊而重修者

爲聖殿爲兩廡爲尊經閣爲啓聖祠并明倫堂以及櫺星門也應鼎新而重建者爲敬一亭爲名宦鄉賢祠爲儀門爲泮橋以及週圍墻垣也估計約算需銀千五百兩有奇隨於康熙二十五年五月十六日報明興工在卷甲職竭盡兩年心力原估各工次第告成肅委典史張政教監督工匠登明用數實用過銀錢合銀一千二百九十四兩五錢七分除募紳衿捐助銀一百八十八兩六錢七分六釐外甲職捐用銀錢合銀一千一百一十三兩八錢九分四釐業經造冊申報現候撫憲咨題此學校之規模大非昔日之舊觀矣切念教官肅司學校若令住居宮墻之外職守之謂何甲職捐俸先建訓導衙齋一所訓導黃蘗已移居學內矣但教諭衙署久圯目前之所亟宜修建者此其一學宮墻地甚多甲職勸諭生童栽植栢槐榆柳杏桃棗等樹共計三百六十餘株又於尊經閣後新建一亭扁曰講學亭擬於明倫堂左右各建書屋數楹扁曰讀書處俾有志士子肄習於中奈力綿未就亭雖構造欄檻窓榻未備書屋祇於西偏先建三楹其餘工料尚缺目前之所修建而未底於成者此又其一安邑之民貧者多而富者少每有子弟不能延師訓誨且職到任之始訪悉民情

卽於城鄉要近之處捐設義學四所又於康熙二十五年紳
耆人丁凡有逃亾故絕虛丁盡爲豁除清出絕產地三頃六
十畝零除納正賦之外以爲義學塾師修膳陸續建設義學
共有二十餘處選擇生童之文行兼優者設教學中以教貧
民子弟學生共二百餘名前歲科考蒙

憲恩拔取入泮如李振曾劉懋皆義學中讀書之童子是義學
之設更以廣學校之效澤也義學不厭其多而修膳苦無設
措目前之所當議及以佐不逮者此又其一以上三者縣令
固無容諉其如巧婦難炊點金乏術何事闢學校修廢舉墜
誠下吏分內之事然鼓舞作興恩施萬一諒亦

上憲所樂聞而優爲者也頃蒙

撫憲垂念卑縣修學工成義學有效親書扁曰在茲聯曰秋水
河邊燕壯士春風座上魯諸生懸於講學亭中以爲下邑之
光士民仰戴寧有旣乎茲遇

憲天按臨眞郡主持文教凡在屬員咸遵法紀例應填註任內
事實以俟考核爲此備敘前情具干 憲聽伏懇

憲臺俯賜電察或於衡文之暇撰發志序揮寫扁聯俾得冠於
志首懸於黉宮以垂奕禩尤祈垂恩學校作養斯文不拘多

寡概施涓滴或買料以完學官之未完或買地以廣義學之未廣統候

憲裁批示遵行將見棧機善義之化歷百世而常存恒山潯水之間頌芳聲於勿替矣

康熙二十七年十二月

日詳奉

提督順天等處學政 日講官起居注司經局洗馬掌局事兼翰林院修撰李 為額憲施恩等事據該縣詳請縣志序文及義學對聯并求捐施前來除前已將助置學地銀叁拾兩給付敎官外其序聯各行撰發為此仰縣官吏照票事理即將發去序文繕書剗廟學堂對聯另擇良木刊刻懸掛可也須至票者

右仰安平縣准此

康熙二十八年正月

二十一

日行

翰林院行

限二十四

日繳

義學聯句

學傍宮瞻思人室
道臨頻水識觀瀾

續設義學

劉興莊義學

東會窩義學

別駕村義學

滿子村義學

台村村義學

傅哥莊義學

辛店屯義學

康熙三十一年屯民公捐買田設

附載買地數目

知縣陳宗石於康熙二十五年捐錢二千五百文買土全有地四畝入劉興莊義學

知縣陳宗石於康熙二十七年捐錢八百文買韓道人地二畝

學院李

捐銀叁拾兩知縣陳宗石捐銀壹拾兩於康熙二十八年買郭振聲地二十六畝九分零入在城義學

安邑向因刮土煎鹽以便民用城內有刮低窪下地今四城隅廣斥處所謂鹽池是也 學宮基後東北角一帶空曠充

甚前

管胡

兩令任內鼠竊入城俱由此空處入網繆之計亟

宜預圖知縣陳宗石躬親相度諭勸居民填築基地蓋造房屋櫛比鱗次城守大有裨益自北城劉生員房基起一直往東至北嶽廟基止共計長九十五步中空官街一道街之南北俱造民房士民樂於從事呼爲陳公街云由北嶽廟南去爲學墻外空地亦召民造房例得並書以垂永久於以壯城圍而固防禦洵善政也

陳公街南認地造房

魯士棟地

八步

惠遜地

七步

邢湏善地

八步

劉之秀地

十步

張名起地

七步

張金秋地

七步

鄭有利地十步
任棟地七步

李孟友地七步
李懌信地七步

張名旺地九步
張鳳閣地八步

陳公街北認地造房

祝明亮地八步
阮一和地七步

孫從義地七步
任魁地七步

劉光金地八步
魯銘地十步

李文秀地八步
李騰龍地十步

邢廷富地五步

學墻東認地造房

張忻屋六間
傅永鴻屋二間

傅永祥屋二間半
傅懋功屋二間半

高隆章屋二間
張允正屋二間

張承印屋五間
楊子正屋四間

學墻北認地造房

金 恒地二十步

安平縣志卷之三

古蹟志

盈天地間皆陳迹也後之視今亦猶今之視昔今昔之遷
遷感慨係之矣或地以人重或事因人創其地與事均以
人傳也夫人而爲可傳之人則地與事寧可沒歟是故志

古蹟

勝景

穀邱亭

在縣治西漢爲縣王莽爲廣重亭後又改
博陵亭晉諸葛恢封博陵李侯取此義

劉光營

在縣治南十里漢光
武帝駐營於此故營

劉秀莊

在縣治東北二十五里
昔漢光武寓此遂名

護駕林

在縣治北七里漢光武過王爺之
難於此諸將擁護遂以是名之

別駕林

在縣治西十里疑亦
漢光武駐蹕之所

造物呈奇所在都有勿謂安邑微也閨臺寺閣河渚村莊
間繪天地之情者徃徃而是苟有得於遠觀之意雖謂華
岳蓬瀛即在寸島尺渚中可矣故八景仍舊志

仙臺積雪

在縣治北一里臺上建聖姑廟塑像下有
古井蓋當時汲水處雪積其上久不融化

北寺晚鐘

在城內西北隅即鐵佛寺古
鐘每晚撞之聞三十餘里

康村晚渡

在縣治西北二十五里人夜行祖
見一舟往來於渡口若人爲之者

龍井湧泉

在縣治西三十里廣十丈深不可測紫以八角泉出不竭上覆麻宇內壑龍神誕旱禱雨立應

紫荆晴翠

在縣治南五里沙積成山山峯昔稱秀麗今不無滄桑之感焉

孝林夕照

在縣治北二十里里人多孝義其上產草木更覺暢茂每遇斜陽往來觀者程置身太古之意

燕河夜月

在縣治北二十里每望後若有雲霧障天雨月光瑩水景趨天然

義門秋水

在縣治東二十里元李恭讓以孝行旌其門時秋大旱唯義門雨是人以為和氣所感至今收

入八

觀稼亭

在聖姑臺後

墳隱閣

在武聖祠裏耕王王爺築今廢

穰隱閣

在路家莊村西工部王事門洞開築今廢

壇壝

舊志無引

祭法社土神稷穀神壇於西郊取西成之義周禮祀風伯雨師而雲雷在其中左傳鬼有所歸乃不爲厲按此三壇之義不綦重歟國之大事在祀其以是哉

社稷壇

在西關小北門外明萬歷十六年知縣王詒建神所三間

風雲雷雨壇

在南關外明萬歷十六年知縣王詒建神所三間四坊一座

邑厲壇

在縣治東北隅城外一里明萬歷十六年知縣王詒建神所一間坊市等社亦各設壇

寺觀

每稽得藉自碑于著原道論而佛老之異於孔氏人人知

之然余讀楞嚴道德諸說又未嘗不嘆其旨之精密時有
似聖人處獨悟其道非中庸雖然二氏亦何可少耶蓋立
教者皆爲世道計也吾嘗慨夫治世如治水然水在堯舜
之世不過疏淪決排而已其在今日苟非厚隄峻防而潰
決橫裂之勢將不可底止世道之趨而愈下何異是哉彼
二氏者正治水之隄防也而功雖在禹下然亦有功於水

矣因取寺觀而志之

高福寺

在縣治西元至
正三年重建

鐵佛寺

在縣治西北元至
正三年重建

白衣菴

在縣

治西

二郎廟

在縣治
西二里

觀音堂

在南

觀音寺

在縣治西前四
里元至正元

年興國寺 在縣治南四十里大德二年建 報恩寺 在縣治西二十里大定元年建 觀音寺

在縣治西北三十里大定元年建 新興寺 在縣治南二十里至正二年建 高明寺 在縣治北二十

里至正三年建 三教寺 在縣治西二十五里洪武十八年建 觀音寺 在縣治西北三十里至正五年

建 普濟寺 在縣治西南三十里至正元年建 永安寺 在縣治北二十里大定三年建 金剛

寺 在縣治西南三十里至正元年建 明古寺 在縣治西北十五里至正二年建 觀音寺 在

治西二十里至正五年建 永慶寺 在縣治北十五里至正元年建 圓通寺 在縣治內北

年 明寶堂 在縣治東北十八里成化二十六年建 慈氏寺 在縣治東北二十里至正元年建

徐石寺 在縣治西十里至正二年建 興化寺 在縣治西十里至正元年建 寧慶寺 在

治東三十里至正二年建 崇慶寺 在縣治北十里景泰元年建 栢林寺 在縣治西北

二年 彌陀寺 在縣治西二十里至正元年建 慈雲寺 在縣治東北十里至正元年建 化鐘

寺 在縣治東北四十里天祐元年建 老君堂 在縣治北三里 金真宮 在縣治西十五里 清

涼寺 在縣治西十里 國朝順治二年重建

祠廟 舊志無引

志祠廟者何曰神所憑也夫既爲神所憑矣而禱於祠廟

者徃徃有應有不應是豈神道之難格與抑亦祀事之未

明耶傳曰鬼神匪人實親唯德是親又曰黍稷匪馨明德

唯馨神之所憑毋寧在是世之祀祠廟者毋以祠廟爲神

所憑也則幾矣

城隍廟

在縣治西北

馬神廟

在縣治西

關帝廟

在縣治西

又三座

縣王新建立

一在小南關一在西門內
十五年知縣陳宗石捐修一在十字街南

國朝康熙二

土地廟

在縣治西

王廟

在縣治西門內

聖姑廟

在縣治北一里

元帝廟

在縣治北一里

八蜡廟

在縣治北

一藥王廟

在縣治西北一里

三官廟

在縣治西北一里

北嶽廟

在縣治東北隅

嶽廟

在縣治西一里

又一座

在縣治西十五里

去思祠

在縣治西關西頭為知縣王新建立今

廢

河神廟

在縣治南門外堤上

天仙廟

在縣治東一里

遺愛祠

在縣治東門堤左明時為

知縣周士琦立年久傾覆生員劉源濬呈請重墜碑記

三義廟

在縣治東北一里

至聖先師

廟

在縣治東北三十里毛葫蘆營

玉皇廟

在縣治西十里

南嶽廟

在縣治西二里

店真武廟

在縣治西五里

古龍井廟

在縣治西三十里

孔公祠

在縣治東明崇禎十

一年建祀殉難知縣孔開俊
並戰歿鄉勇二十八人

迎真樓 城隍廟後 國朝康熙二十六年重修

塚墓 舊志無引

趙文子與叔譽觀乎九原相與歎曰死者如可作也吾誰與歸蓋其人足千古懷思者不得親見其爲人每彷彿其行事及道其故里訪其遺跡不禁低徊久之不能去焉見其跡殆如見其人也

周

郝墓

在會灣村右郝孝姑合葬父母廬墓之處今鄉人相傳爲媼凸是也 國朝康熙年間里人閻柱立

碑記之大書周郝

聖姑故里舊志缺

漢

九女墓一名蓄糧塚

其丘有九縱橫視之惟見其八至而數之則九焉相傳光武爲王郎所困

堆土覆糧以示兵食有備故又

稱爲蓄糧塚云在縣治東五里

崔公墓

在縣治西八里舊志載爲漢尚書崔實之墓或云博陵王崔元碑墓康熙十八年間土人曾於墓傍

得石又係崔敬

世墓誌銘今載藝文

唐

李百藥墓

在縣治東北十里載在府志

元

廣東按察司副使王公綱墓

在縣治西十里黃城村

中順大夫知杭州路總管李公思敬墓

在縣治東北

處士今祀鄉賢祝公明墓

在北黃城村離城十里

明

戶部尚書張公鳳墓

在縣治東南七里翰林學士李賢撰記有諭祭文

錦衣衛指揮遯公杲墓

在縣治北一里有諭祭文

刑部員外郎王公健墓

在東黃城村南離城十里

工部員外郎王公均美墓

在東黃城村南離城十里

山西副使張公舜臣墓

在城東南七里李家莊村南

山西大同府知府王公如綸墓

在城西關外一里

戶部郎中劉公健墓

在城北三里
彭家莊北

勅贈兵科左給事中王公遜墓

在城西十里
西黃城村南

禮科都給事中王公三餘墓

在城西六里
郭西村西首

陝西茶馬道靳公紹謙墓

在城西十五
里唐貝村南

工部主事門公洞開墓

在城東北十八
里義門村西南

山東曹州太守吳公從誨墓

在城北八里
大會過村

河南閔鄉縣知縣郭公聞禮墓

在城西三里
王家莊村西

河南濟源縣知縣陳公芳墓

在城東八里
王哥莊村南

陝西維南縣知縣王公民皞墓

在城西十一
里南黃城村

陝西綏德州知州王公學孟墓

同在南黃城

國朝

廣西布政魯公鼎新墓

在城北五里閩家會洞村

戶部郎中郭公金鉉墓

在城西三里王家莊村西

江南廬江縣知縣崔公冕墓

在城西十里東黃城村

誥贈奉政大夫翰林院侍讀學士吳公恂墓

在城北八里

廣東崖州知州王公澤隆墓

在城西十里南黃城村

河南許州知州張公爾庚墓

在城西三里

廣西定藩標遊擊楊公彩墓

在城西南三十五里何疇村南首

義塚

在縣南三十里

一在北關外

舊志云嘉靖二十六年耆民劉慎施已業地十三畝作塚地鄉里公爲立碑知縣沈同人

記

在縣南三十里

在縣南三十里

一在西關外

基址尚存舊志名漏淨園

在縣南三十里

安平縣志卷之三終